



Bou ons kinders vir môre

Godsdiensonderrig 1

Lestitel: Vreugde - Jesus is gebore

'n Ouerhandleiding

Sondagskooltuisonderrig



Liewe Ouer

Welkom by die les: “**Vreugde – Jesus is gebore**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Vreugde - Jesus is gebore
Bybelwoord	Lukas 2: 8-20, Lukas 2: 21-38 en Mattheus 2: 1-12
Lesdoelwit	Die kinders leer dat Christus se verskyning groot vreugde gebring het.

Lesopsomming:

- Enkele maande nadat die engel Maria besoek het, het Caesar Augustus 'n volkstelling in die hele Romeinse Ryk beveel.
- Maria en Josef het daarom van Nasaret na Betlehem, Josef se tuisdorp, gereis.
- Die reis was swaar vir Maria, want sy het verwag dat haar baba binnekort gebore sou word.
- Hulle het in Betlehem aangekom en kon geen plek in die herberg vind nie, daarom het hulle in 'n stal gebly en Maria het 'n seun gebaar.
- Gedurende die nag het herders na hul kudde gekyk toe daar skielik 'n engel aan hulle verskyn en sê: "Moenie vrees nie, want kyk, ek bring vir julle 'n goeie tyding van groot blydschap wat vir die hele volk sal wees, dat vir julle vandag in die stad van Dawid gebore is die Saligmaker(Verlosser), wat Christus, die Here is. Julle sal 'n Kindjie vind wat in doeke toegedraai is en wat in die krip lê." Lukas 2: 10-12
- Net toe die engel klaar gepraat was, is die hemele verlig met 'n menigte engele wat God geprys het: "Eer aan God in die hoogste hemele en vrede op aarde, in die mense 'n welbehag!"
- Toe die engele weggegaan het, het hulle dadelik na Betlehem gereis en Maria en Josef in 'n stal aangetref, met die baba Jesus in 'n krip lê.
- Hulle het oor hul ervaring met die engele gepraat en almal was verbaas.
- Maria het die woorde van die herders ter harte geneem.
- Die herders keer toe terug na hul kudde en verheerlik en loof God vir wat hulle gesien en gehoor het.
- Veertig dae na sy geboorte het Maria en Josef die baba Jesus na die tempel geneem om hom aan God toe te wy en 'n dankoffer te bring.
- Die Heilige Gees het aan Simeon, 'n toegewyde en godvresende man, geopenbaar dat hy nie sou sterf voordat hy die Verlosser gesien het nie.
- Hy is deur die Gees aangespoor om die tempel binne te gaan.



- Toe Maria en Josef kom, het hy Jesus op sy arms geneem en gesê: “Nou laat U, Here, u dienskneg gaan in vrede volgens u woord, omdat my oë u heil gesien het.” Hy seën toe vir Maria en Josef.
- Die profetes, Anna, wat terselfdertyd in die tempel aangekom het, het God gedank en oor Jesus gepraat met almal wat op redding wag.
- Het u geweet dat die wyse manne uit die Ooste sterrekykers was? Hulle kon aan die voorkoms van 'n bepaalde ster sien dat 'n nuwe Koning gebore is.
- Die wyse manne het na koning Herodes, Die Grote, gegaan om te vra waar die pasgebore koning van die Jode te vinde was.
- Die koning was ontsteld en het probeer uitvind waar die pasgebore koning was.
- Die wyse manne het vertrek en kyk, die ster wat hulle in die Ooste gesien het, het voor hulle uitgegaan, totdat dit gaan staan het waar Jesus, die baba, met Maria en Josef was.
- Hulle het Hom aanbid en geskenke gegee van:
 - ☐ Goud - 'n waardevolle betaalmiddel,
 - ☐ Mirre - 'n duur hars (gom vanuit 'n boom) met 'n aangename aroma en
 - ☐ Wierook - gemaak van 'n spesifieke hars, wat, wanneer dit aangesteek word, 'n aangename reuk gee.
- In 'n droom het God vir hulle gesê om nie na Herodes terug te keer nie, maar om op 'n ander weg huis toe te keer.
- Toe koning Herodes besef dat die wyse manne hom bedrieg het, was hy woedend en het al die seuns, twee jaar oud en jonger, in Betlehem en die omliggende gebiede vermoor.

Wat beteken hierdie les vandag vir ons?

- Ons is verheug oor die geboorte van Jesus Christus as die Verlosser vir die hele mensdom.
- Ons is verheug dat Jesus deur sy offerdood die mag van Satan gebreek het en daardeur die middele geskep het waardeur almal van die ewige dood gered kan word.
- Ons is verheug omdat die krag van sonde verbreek is en ons sondes vergewe kan word.
- Ons is verheug oor Jesus se belofte om terug te keer en ons te kom haal. Lees Johannes 14: 3
- Ons is verheug omdat Jesus Christus apostels gekies en die kerk ingestel het sodat alle mense die evangelie kan leer ken.

Deur die geboorte van Jesus wys God ons hoe lief Hy ons het en daarom moet ons Hom en ons naaste liefhê. Ons berei ons voor op die koms van Jesus Christus en sien daarna uit.



Doen Oefening 1 saam met u kind / kinders.

Antwoorde op oefening 1:

- The shepherds praised and extolled God.
- Simeon praised God.
- Anna thanked God and talked about the Child.
- The wise men from the East gave Jesus gifts.

Sommige vrae wat ons kan vra:

1. Wat is die betekenis van 'Heiland'?

Antwoord: Dit beteken Verlosser of Bevryder

2. Wat is die betekenis van 'Christus'?

Antwoord: dit beteken "die gesalfde"

3. Gee een rede waarom ons bly is oor die geboorte van Jesus Christus?

Antwoord: Verwys na wat die les ons hierbo leer

4. Watter effek het die geboorte van Jesus en die belofte van sy wederkoms op ons?

Antwoord: Deur die geboorte van Jesus wys God ons hoe lief Hy ons het en daarom moet ons Hom en ons naaste liefhê. Ons berei ons voor op die koms van Jesus Christus en sien daarna uit.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen